

昏曉有誰知一性圓滿恒河亘萬古光明不老競對月論利與
談名全不想駒陰暗催年少

對酒成漁家傲呈介甫

草草開樽資一笑微生病苦隨緣了友義交情如地厚心相照
今人莫遣前人誚 燈火熒熒山悄悄芝蘭佳氣松筠茂得便
盤桓塵世表香初透鄰雞且莫催清曉

和元規天和堂更漏子

固元精收聽視物外身無死地接子謬季真非無爲翻有爲
但心虛教腹實密與寥天爲一華陽洞廣寒宮人人方寸中
題郭南仲庵壁

道藏輯要

虛靖真君語錄

卷

又翼集七
川文八

深源密塢問牧豎樵童俱迷方所蓬蘽縱橫蛇龍出沒王峽攬
空無路不戀雁塔榮名解守魚淵寒素這勤苦但堅心自有神
靈呵護 猛悟無回顧一點虛名萬刦無今古胎息根深靈泉
穴秘靜裏運調陽火莫問地久天長管取收因結果休輕負把
天谷真基與君說破

情纏識縛嘆時人不悟酒中真樂縱口招愆迷心失行却道爲
他狂藥須信醉舞狂歌也有良知真覺無依泊任暖氣周流三
關三絡 落魄清閑客醉鄉深處風月長酬酢空花消息光明
顯露人我事皆忘却不問市醞村醪盡可淺斟低酌從鄙薄競
口口談醒言成錯